

北史

十五

列傳第六

北史二十八

陸侯

源賀

曾孫彪
師從叔雄

玄孫師

劉尼

薛提

陸侯代八也曾祖幹祖引世領部落父突道武初帥部人

從征伐數有戰功位離石鎮將上黨太守關內侯侯少聰

慧明元踐祚襲爵關內侯位給事中與選部蘭臺事當官

無所撓太武征赫連昌詔侯督諸軍鎮以備蠕蠕與西平

公安頡攻剋武牢賜爵建鄴公拜冀州刺史時考州郡唯

信州路李刊

北史列傳十六

一

江興甫

侯與河內太守丘陳為天下第一轉武牢鎮大將平涼休

屠金崖羌狄子玉等叛復轉為安定鎮大將追討崖等皆

獲之遷懷荒鎮大將未朞諸高車莫弗訖懼侯嚴急請前

鎮將郎孤太武許之徵侯至京朝見言不過周年孤身必

敗高車必叛帝疑不實切責之以公歸第明年諸莫弗果

殺孤以叛帝聞之大驚召侯問其故侯曰夫高車之俗上

下無禮無禮之人難為其上臣莅以威嚴節之憲網欲漸

加訓導使知分限而惡直醜正寔繁有徒故訟臣無恩稱

孤之美孤獲還鎮欣其名譽必加恩於百姓譏臣為失專

欲以寬惠臨之仁恕待之無禮之人易生陵傲不過朞年

有胆識可用

無復上下。既無上下，然後收之以威，則人懷怨。數然數，既多，敗亂彰矣。帝歎曰：卿身乃短慮，何長也！即日復除散騎常侍，帝征蠕蠕，破涼州，常隨駕別督輜重。又與高涼王那復渡河南，略地仍遷長安鎮，大將與高涼王那擊蓋吳於杏城，獲吳二叔。諸將欲送京師，侯獨不許，曰：若不斬吳，恐長安之變未已。一身藏竄，非其親信，誰能獲之？若得十萬衆，追一人，非上策也。不如私許吳叔，免其妻子，使自追吳。諸將咸曰：今獲其二叔，唯吳一人，何所復至？侯曰：諸君不見毒蛇乎？不斷其頭，猶能為害。況除腹心之疾，而曰必遺其類，可乎？遂捨吳二叔，與之期。及期，吳叔不至，諸將皆咎

侯。侯曰：此未得其便耳，必不背也。後數日，果斬吳，以至皆如其言。侯之明略，獨決皆此類也。遷內都大官，安定、盧水、劉超等叛，太武以侯威恩，被關中詔以本官加都督。秦雍諸軍鎮長安，帝曰：超等恃險不順，王命朕若以重兵與卿，則超等必合為一。若以輕兵與卿，則不制矣。今使卿以方略定之。於是侯單馬之鎮，既至，申揚威信，示以成敗。超猶無降意。侯乃率其帳下見超，超使人逆曰：二百人以外當以弓馬相待，三百人以内當以酒食相供。乃將二百騎詣超，超備甚嚴。遂縱酒盡醉，而還後，偽獵詣超。與士卒約曰：今會當以醉為限。侯乃詐醉上馬，大呼斬超首。士卒

已下叙長子
敵

必不存之風

使貧使詐

應聲縱擊遂平之帝大悅徵拜外都大官文成踐祚以子
麗有定策勲進爵東平王薨年六十七謚成王有子十二
人長子敵多智有父風文成見而悅之謂朝臣曰吾常歎
其父智過其軀是復踰於父矣少為內都下大夫奉上接
下行止取與每能逆曉人意與其從事者無不愛之興安
初賜爵聊城侯出為相州刺史假長廣公為政清平抑彊
扶弱州中有德宿老名望素重者以友禮待之詢之政事
責以方略如此者十人號曰十善又簡取諸縣彊門百餘
人以為假子誘接殷勤賜以衣服令各歸家為耳目於是
發姦姦擿伏事無不驗百姓以為神明無敢劫盜者在州七

信州路季利

北史列傳一六上

三

化季

牟家至貧約徵為散騎常侍百姓乞留敵者千餘人獻文
不許謂羣臣曰敵之善政雖古人何以加之賜絹五百匹
奴婢十口敵之代還也吏人大斂布帛以遺之敵皆不受
人亦不取於是以此物起佛寺焉因名長廣公寺後襲父
改封建安王時宋司州刺史常珍奇以懸瓠內附新人猶
懷去就敵銜旨撫慰諸有陷軍為奴婢者敵皆免之百姓
欣悅人情乃定車駕討蠕蠕詔敵為選部尚書錄留臺事
及獻文將禪位於京兆王子推任城王雲隴西王源賀立
固諫敵抗言曰皇太子聖德承基四海瞻望不可橫議干
國之紀臣請勿頸殿庭有死無貳久之帝乃解詔曰敵直

臣也其能保吾子乎遂以勣為大保與太尉源賀持節奉
 皇帝璽紱傳位于孝文延興四年薨贈以本官謚曰貞王
 勣有六子琇凱知名琇字伯琳勣第五子也母赫連氏身
 長七尺九寸甚有婦德勣有以爵傳琇之意琇年九歲勣
 謂之曰汝祖東平王有十二子我為嫡長承襲家業今已
 年老屬汝幼冲詎堪為陸氏宗首乎琇對曰苟非鬪力何
 患童幼勣音之遂立琇為世子勣薨龍襲爵琇沈毅少言雅
 好讀書以功臣子孫為侍御長累遷祠部尚書司州大中
 正會從兄睿事免官景明初試守河內郡咸陽王禧謀反
 令子曇和等先據河內琇聞禧反斬曇和首時以琇不先
 送曇和禧敗始斬責其通情徵詣廷尉少卿崔振窮罪狀
 案琇大逆陸宗大小咸見收捕會將赦先斃於獄琇弟凱
 仍上書訴免宣武詔復琇爵子景祚龍襲凱字智君謹重好
 學位太子庶子給事黃門侍郎凱在樞要十餘年以忠厚
 見稱後遇患頻上書乞骸骨除正平太守在郡七年號為
 良吏初孝文將議革變舊風大臣並有難色又每引劉芳
 郭祚等常與規謀共論政事而國戚謂遂踈已怏怏有不
 平之色帝乃令凱私喻之曰至尊但欲廣知前事直當開
 其古式耳終無寵彼而踈國戚舊人意乃稍解及兄琇陷
 罪凱亦被收遇赦乃免凱痛兄之死哭無時節目幾失明

可謂友矣

訪寃不已至正始初宣武復瑋官爵凱大喜置酒集諸親
曰吾所以數年之中抱病忍死者顧門計耳今願已遂以
其年卒贈龍驤將軍南青州刺史謚曰惠長子暉字道暉
與弟恭之並有時譽洛陽令賈禎見其兄弟歎曰僕以老
年更覩雙壁又嘗兄弟共候黃門郎孫惠蔚謂諸賈曰不
意二陸復在坐隅吾德謝張公無以延譽暉位尚書右戶
三公郎坐事免後除伏波將軍卒贈冠軍伯州刺史暉擬
急就篇為悟蒙章及七誘十醉章志數十篇暉與恭之晚
不和睦為時所鄙子元規位尚書郎元規子撥陰陽律曆
多所通解位并州長流參軍恭之字季順有操尚位東荆

州文子州

北史列傳十六上

五

九義

已上散之後
已上歸之後

州刺史贈吏部尚書謚曰懿恭之所著文章詩賦凡千餘
篇子暉字仁宗篤志文學齊律序則仁宗之詞位終通直
散騎常侍第寬字仁惠太子中舍人待詔文林館寬兄弟
並有才品議者稱為二武毅弟歸位東宮舍人駕部校尉
子珍夏州刺史贈太僕卿謚曰靜珍子旭性雅澹好易緯
候之學撰五星要決及兩儀真圖頗得其指要太和中徵
拜中書博士稍遷散騎常侍知天下將亂遂隱於太行山
屢徵不起卒後贈并汾恒肆四州刺史子騰
騰字顯聖少慷慨有大節從介休朱崇平葛榮以功賜爵清
河縣伯稍遷通直散騎常侍及孝武西遷時使青州遂留

此人心義

胆決

痴獠

鄴為陽城郡守大統九年大軍東討陽城被執周文帝釋
 而與語騰盛論東州人物又叙述時事辭理抑揚周文嘆
 曰卿真不背本也即拜帳內大都督未幾除太子庶子遷
 武衛將軍騰既為周文所知思欲立功不願內職及安康
 賊黃衆寶等作亂攻圍東梁州城中糧盡詔騰率軍大破
 之軍還拜龍州刺史使通江由路直出南秦周文謂曰此
 是卿取柱國之日即解所服金帶賜之州人李廣嗣李武
 等憑據巖險歷政不能制騰密令多造飛梯夜襲破之執
 廣嗣等於鼓下其黨有任公忻圍逼州城請免廣嗣及武
 即散兵請罪騰謂將士曰吾不殺廣嗣等可謂墮軍實而
 州李刊
 北史列傳十六
 六
 義勇
 長寇讎即斬廣嗣及武以首示之於是出兵奮擊盡獲之
 進位驃騎大將軍開府儀同三司轉江州刺史進爵上庸
 縣公陵州木籠獠恃險每行抄劫詔騰討之獠因山為城
 攻之未可拔騰遂於城下多設聲樂及諸雜伎示無戰心
 諸賊果棄其兵仗或攜妻子臨城觀樂騰知其無備遂縱
 兵討擊盡殺破之周明帝初陵眉等八州夷夏竝反攻破
 郡縣騰率兵討平之及齊公憲作鎮於蜀以騰為隆州刺
 史令憲入蜀兵馬鎮防皆委騰統攝趙公招代憲復請留
 之遷隆州摠管領刺史保定二年資州石槃人反殺郡守
 據險自守州軍不能制騰率軍討擊盡破斬之而蠻子反

所在蝻起山路險阻難得掩襲遂量山川形勢隨便開道
蠻獠畏威承風請服所開之路多得古銘竝是諸葛亮桓
溫舊道是年鐵山獠抄斷內江路使驛不通騰乃進軍討
之一日下其三城招納降附者三萬戶帝以騰母在齊未
令東討適有其親屬自齊還朝者晉公護奏令告騰云齊
已誅公母兄蓋欲發其怒也騰乃發哀泣血志在復讐四
年齊公憲與晉公護東征請騰爲副趙公招時在蜀復欲
留之晉公護與招書於是令騰馳傳還朝副憲東伐天和
初信州蠻蠻據江硤反叛連結二千餘里又詔騰討之騰
沿江南而下軍至湯口分道奮擊所向摧破乃築京觀以

旌武功涪陵郡守蘭休祖又阻兵爲亂方二千餘里復詔
騰討之巴蜀悉定詔令樹碑紀功績焉騰自在龍州至是
前後破平諸賊凡賞得奴婢八百口馬牛稱是四年遷江
陵摠管陳遣其將章昭遠圍江陵衛王直聞有陳寇遣大
將軍趙閻李遷哲等率步騎赴之竝受騰節度時遷哲等
守外城陳將程文季雷道勤夜來掩襲遷哲等驚亂不能
抗禦騰夜遣開門奮擊大破之陳人奔潰道勤中流矢而
斃陳人決龍川寧朔堤引水灌江陵城騰親率將士戰於
西堤破之陳人乃遁加位柱國進爵上庸郡公建德二年
徵拜大司空尋出爲涇州摠管宣政元年冬薨於京師贈

鮑字悞

弟上當有悞
字不然則混

太尉公謚曰定子玄嗣玄字士鑒入關時年七歲仕齊為
 奉朝請成平縣令齊平武帝見玄特加勞鮑耶拜地官府
 都上士大象末為隋文帝相府內兵參軍玄弟融字士傾
 最知名少歷顯職大象末位至大將軍定陵縣公弟麗少
 以忠謹入侍左右太武特親昵之舉動審慎初無憊失賜
 爵章安子稍遷南部尚書太武崩南安王余立既而為常
 侍宗愛等所殺百寮憂惶莫知所立麗首建大議與殿中
 尚書長孫渴侯尚書源賀羽林中郎劉尼奉迎文成於苑
 中而立之社稷獲安麗之謀也由是受心膂之任在朝者
 無出其右與安初封平原王麗頻讓不聽乃啓以讓父文

北史列傳十六上

八

四百四十一

成曰朕為天下主豈不能得二王封卿父子也以其父侯
 為東平王麗尋遷侍中撫軍大將軍司徒公復其子孫賜
 妻妃號麗以優寵既頻固辭不受帝益重之領太子太傅
 麗好學愛士常以講習為業甚孝遭父憂毀瘠過禮和平
 六年文成崩先是麗瘵疾於代郡溫泉聞凶欲赴左右止
 之曰宮車晏駕王德望素重姦臣若疾人譽慮有不測之
 禍麗曰安有聞君父之喪方慮禍難便馳赴初乙弗潭漳
 傲每為不法麗數諍之由是見忌害之謚曰簡王陪葬金
 陵孝文追錄先朝功臣以麗配饗廟庭麗二妻長曰杜氏
 次張氏長子定國杜氏所生次獻張氏所出定國在襁抱

瑋敬弟之子

武宣幸其第，詔養宮內。至於游止，常與獻文同處。年十六歲，為中庶子。及獻文踐祚，拜散騎常侍，賜封東郡王。定國以承父爵，辭不許。又以父爵讓弟，獻乃聽之。俄遷侍中、儀曹尚書，轉殿中尚書。前後大駕征巡，擢為行臺錄都曹事。超遷司空。定國恃恩不循法度，延興五年坐事免官。爵為兵太和中復除侍中、鎮南將軍、秦益二州刺史。復王爵八年薨於州，贈以本官。諡曰莊王。

子昕之字慶始，風望端雅。襲爵例降為公。尚獻文女常山公主拜駙馬都尉，歷通直郎。景明中以從叔瑋罪免官，尋以主壻除通直散騎常侍，歷充青二州刺史。並有政績，轉

路季刊

北史列傳十六上

九

道

安北將軍、相州刺史。卒，贈鎮東將軍、冀州刺史。諡曰惠。初定國娶河東柳氏，生子安保。後娶范陽盧度，生女昕之。二室俱為舊族，而嫡妾不分。定國亡後，兩子爭襲。父爵僕射李冲有寵於時，與度世子伯源婚親相好，冲遂左右助之。昕之由是承爵尚主，職位赫奕。安保沈廢貧賤，不免飢寒。昕之容貌柔謹，孝文以其主壻，特垂昵眷。宣武時年未四十，頻撫三藩，當世以此榮之。昕之卒後，母盧氏為傷，搗而亡。公主奉姑有孝，稱神龜。初與穆氏、琅邪長公主等為女侍中，又性不妬忌，以昕之無子為納妾媵，而嘗育女。公主有三女無男，以昕之從兄布道第四子子彰為後。子彰

字明遠本名士沈年十六出後事公盡禮丞相高陽王
雍常言曰常山妹雖無勇以子彰或覽乃過自生矣
中龍爵東郡公累遷給事黃門侍郎子彰妻即咸陽王禧
女禧誅養於彭城王弟莊帝親之略同諸姊建義初朱
榮欲徇舊與庶姓封王由是封子彰濮陽郡王尋而詔罷
仍復先爵天平中拜衛將軍潁州刺史以母憂去職死象
中以本將軍除齊州刺史又加驃騎將軍行懷州事轉北
豫州刺史仍除徐州刺史將軍並如故一年歷二州當世
榮之還朝除衛大將軍右光祿大夫行瀛州軍事拜侍中
復行滄州事進號驃騎大將軍行冀州事除侍讀兼七兵

卷之卅

元吳列傳一六上

十

道

尚書行青州事子彰初為州以聚斂為早晚節將改自行
青吳滄瀛甚有時譽加以虛已納物人士敬愛之除中書
監卒贈開府儀同三司謚曰文宣子彰亦好道術
病藥

梁螭蛸子彰不忍害物遂不履焉其

法度子印

印字雲馬悟美風神好學不倦博覽經籍多通
大業我善屬文甚為河間邢邵所賞邵又與子彰交游嘗謂
子彰曰吾以卿老蚌遂出明珠竟欲為羣拜紀子印由是
名譽日高雅為搢紳所推許起家自外散騎侍郎歷文
武將軍主簿中書舍人兼中書侍郎以本職兼太子洗馬

自梁魏通和歲有交聘印每兼官讌接在席賦詩印必先
成雖未能盡工以敏速見美除中書侍郎修國史以父憂
去職居喪盡禮哀毀骨立詔以本官起文襄時鎮鄆其
至行親詣門以慰勉之印母魏上庸公主初封藍田高明
婦人也甚有志操印昆季六人竝主所出故邢邵常謂人
云藍田生玉固不虛矣主教訓諸子皆以義方雖創巨痛
深出於天性然動依禮度亦母氏之訓焉印兄弟相率廬
於墓側負土成墳朝廷所嗟尚發詔褒揚改其所居里為
孝終里服竟當龍衣不忍嗣侯使迄未應受齊天保初常山
王薦印器幹文宣面授給事黃門侍郎遷吏部郎中上洛
王思宗為清都尹辟為邑中正食貝丘縣幹遭母喪哀慕
毀悴殆不勝喪遂至沈篤頓伏牀枕又成風疾第五弟搏
遇疾臨終謂其兄弟曰大兄尪病如此性至慈愛搏之死
日必不得使大兄知之哭泣聲必不可聞徹致有感動家
人至於祖載方始告之印聞而悲痛一慟便絕年四十八
印自在朝行篤慎周密不說人短不伐己長言論清遠有
人倫鑒裁朝野甚悲惜之贈衛將軍青州刺史謚曰文所
著文章十四卷行於世齊之郊廟諸歌多印所制子又字
且龍襲爵始平侯又聰敏博學有文才年十九舉司州秀才
歷祕書郎南陽王文學通直散騎侍郎待詔文林館兼散

騎侍郎迎陳使還兼中書舍人加通直散騎常侍又於五經最精熟館中謂之石經人爲之語曰五經無對有陸又印第二弟駿字雲驤自中書舍人歷黃門侍郎散騎常侍卒於東廣州刺史駿弟杳字雲邁亦歷中書舍人黃門常侍假儀同三司秦州刺史武平中爲寇所圍經百餘日就加開府儀同三司城中多疫癘死者過半人無異心遇疾卒及城陷陳將吳明徹以杳有善政吏人所懷啓陳主還其尸家累貲物無所犯贈開府儀同三司尚書僕射子玄卿位尚書膳部郎杳弟憲字雲儀亦歷中書舍人黃門常侍武平末吏部郎中騫第搏字雲征好學有行檢卒於著

作佐郎搏弟彥師字雲房少以行檢稱及長好學解屬文魏襄城王元旭引爲參軍事以父艱去職哀毀殆不勝喪與兄印廬於墓次鄉人重之皆就墓側存問晦朔之際車馬不絕中書令河間邢邵表薦之未報彭城王浹爲司州牧召補主簿後歷中外府東閣祭酒兄印當龍衣父始平侯以彥師昆弟中最幼表讓封焉彥師固辭而止世稱友悌孝義摠萃一門爲中書舍人通直散騎侍郎每陳使至必高選主客彥師所接對者前後六輩歷中書黃門侍郎後以不阿宦者遇讒出爲中山太守有惠政數年徵爲吏部郎中散騎常侍又拜銀青光祿大夫假儀同三司行鄭州

勳史尋除給事黃門侍郎武平末車駕如晉陽北平王鎮
鄴彥師留臺機密以重慎見知周武帝平齊授彥師下大
夫轉少納言賜爵臨水縣男及隋文為丞相彥師遇疾請
假還鄴尉遲迥將為亂彥師知之遂將妻子潛歸長安文
帝嘉之授內史下大夫拜上儀同及帝受禪拜尚書左丞
進爵為子彥師素多病未幾以務劇病動乞解所職有詔
聽以本官就第歲餘轉吏部侍郎隋承周制官無清濁涉
師在職凡所任人頗甄別於士庶論者美之後復以病出
為汾州刺史卒官

已上結定國之後

睿字思弼年十餘龍襲爵撫軍大將軍平原王沈雅好學折

薛季州

北史列傳十六上

十三

周

節下士年未二十時人便以宰輔許之娶東徐州刺史博
陵山佳鑿女時孝文尚未改北人姓鑿謂所親云平原王才
度不惡但恨其姓名殊為重複睿婚自東徐還經鄴見李
彪甚敬悅之仍與趣京以為館客後為北征都督擊蠕蠕
大破之遷侍中都曹尚書時蠕蠕又犯塞詔睿討之追至
石磧禽其帥赤阿突等數百人還加散騎常侍遷尚書左
僕射領北部尚書十六年降五等之爵以罷勳著前朝封
睿鉅鹿郡公尋為使持節鎮北大將軍尚書令衛將軍討
蠕蠕大破之而還以母憂解孝文將有南伐之事以本官
起授征南將軍睿固辭請終精禮教有司數喻不許復除

使持節都督恒州刺史行尚書令時車駕南征上表諫帝
不從叡又表請車駕還代親臨大師馮熙薨坐削奪都督
三州諸軍事尋進號征北大將軍以有順遷之表加邑四
百戶時穆泰為定州刺史以疾病請恒州自効乃以叡為
定州刺史未發遂與泰等同謀構逆賜死獄中聽免孥戮
徙其妻子於遼西叡長子希道字洪度有風貌美驥騄歷
覽經史頗有文致初拜中散遷通直郎坐父事徙於遼西
於後得還從征自効以軍功賜爵淮陽男拜諫議大夫累
遷前將軍郢州刺史希道善於馭邊甚有威略轉平西將
軍涇州刺史卒官贈撫軍將軍定州刺史希道有六子士

信州留字列

北史列傳一六上

十四

周

懋字元偉天平中以其曾祖麗有翼戴之勲詔特復鉅鹿
郡公令士懋襲位營州刺史士懋弟士宗字仲彥尚書左
外兵郎中士宗弟士述字幼文符璽郎中建義初竝於河
陰遇害士述弟士沈出繼叔昕之士沈弟士廉字季脩建
州平北府長史永安末尔朱世隆攻陷州城見害士廉弟
士佩字季偉武定中安東將軍司州從事希道弟希悅尚
書外兵郎中麗季弟騏驎侍御中散轉侍御史太和初新
平太守子高貴孝昌中兖州鎮東府法曹參軍高貴子操
字仲志高簡有風格早以學業知名雅好文操仕魏兼散
騎常侍聘梁使還為廷尉卿齊文襄為世子甚好色崔季

已上結所之
後已下叙其
麟之後

舒為掌媒焉薛氏宣書妻元氏有色迎入欲通之元氏正辭且哭世子使季舒送付廷尉罪之操曰廷尉守天子法須知罪狀世子怒召操命刀環築之更令科罪操終不撓乃口責之後徙御史中丞天保中卒於殿中尚書子孔璋武平中卒於高陽太守高貴弟孟遠位奉朝請孟遠子槩之位司農卿槩之子爽字開明少聰敏年九歲就學日誦二千餘言齊尚書僕射楊遵彥見而異之曰陸氏世有人焉仕齊位中書侍郎齊滅周武帝聞其名與陽休之袁叔德等俱徵入關諸人多將輜重爽獨載數千卷書至長安授宣納上士隋文帝受禪頻遷太子洗馬與左庶子宇文

愷等撰東宮典記七十卷朝廷以其博學有口辯陳人至境常令迎勞卒官贈上儀同宣州刺史子法言敏學有家風釋褐承奉郎初爽之為洗馬常奏文帝云皇太子諸子未有嘉名請依春秋之義更立名字上從之及太子廢上追怒爽曰我孫製名寧不自解陸爽乃爾多事扇惑於勇亦由此人其身雖故子孫竝宜屏黜終身不齒法言竟坐

除名

源賀西平樂都人私署河西王秃髮僭擅之子也僭擅為乞伏熾盤所滅賀自樂都奔魏賀偉容貌善風儀太武素聞其名及見器其機辯賜爵西平侯謂曰卿與朕同源因

事分姓今可爲源氏從擊叛胡白龍又討吐京胡皆先登
陷陣以功進號平西將軍太武征涼州以爲鄉導問攻戰
之計賀曰姑臧外有四部鮮卑各爲之援然皆臣祖之舊
人臣願軍前宣國威信必相率請降外援既服然後攻其
孤城拔之如反掌耳帝曰善乃遣賀招慰下三万餘落及
圍姑臧由是無外慮故得專力攻之涼州平以功進爵西
平公又從征蠕蠕擊五城吐京胡討蓋吳諸賊皆有功拜
散騎常侍從駕臨江爲前鋒大將善撫士卒加有料敵制
勝之謀賀爲人雄果每遇強寇輒自奮擊帝深誠之賀本
名破羌是役也帝謂曰人之立名宜保其實何可濫也賜

名賀焉拜殿中尚書南安王余爲宗愛所殺賀部勒禁兵
靜邊外內與南部尚書陸麗決議定策翼戴文成令麗與
劉尼馳詣苑中奉迎賀營中爲內應俄而麗抱文成置前
而至及即位賀有力焉以定策勲進爵西平王及班賜百
僚敕賀任意取之辭以江南未賓漢北不款府庫不宜致
匱固使取之唯取戎馬一疋時斷獄多濫賀上書曰案律
謀反之家其子孫雖養他族追還就戮所以絕罪人之類
彭大逆之辜其爲劫賊應誅者兄弟子姪在遠道隔關津
皆不坐竊惟先朝制律之意以不同謀非絕類之罪故特
垂不死之詔若年十三已下家人首惡計所不及臣愚以

仁之言利
普手積

為可原其命。没入官。帝納之。出為翼州刺史。改封隴西王。
既受除。上書曰。臣聞人之所寶。莫寶於生命。德之厚者。莫
厚於宥死。然犯死之罪。難以盡恕。權其輕重。有可矜恤。今
勅寇游魂於北。狡賊負嶮於南。其在壇場。猶須成防。臣愚
以為自非大逆。赤手殺人之罪。其坐贓及盜。與地設之。儻
應入死者。皆可原命。謫守邊境。是則已斷之體。而更生。成
之恩。倍役之家。漸蒙休息之惠。刑措之化。庶幾存焉。帝嘉
納之。已後。入死者。皆恕死。徙邊。久之。帝謂羣臣曰。昔源賀
勸朕宥諸死刑。徒克北藩。諸戍自介。至今一歲。所活殊為
不少。濟命之理。既多。邊戍之兵。有益。苟人人如賀。朕臨天

晉書

北史列傳十六上

十七

案

聖主

下復何憂哉。羣臣咸曰。非忠臣不能進此計。非聖明不能
納此言。賀之臨州。鞠獄以情。徭役簡省。清約寬裕。甚得人
心。時武邑郡姦人石華。告沙門道可與賀謀反。有司以聞。
文成曰。賀保無此。乃精加訊檢。華果引誣。乃遣使慰勉之。
帝顧左右曰。賀忠誠。尚致誣謗。其不若是者。可無慎乎。時
考殿最。賀政為上第。賜衣馬器物。班宣天下。後徵拜太尉。
蠕蠕寇邊。賀從駕討破之。及獻文。將傳位于京兆王子推。
時賀都督諸軍事。屯漠南。乃馳傳徵賀。賀至。正色固執。不
可。即詔持節奉皇帝璽綬。以授孝文。是歲。河西叛。數遣賀
討之。多所降破。賀依古今兵法。及先儒耆舊說。略採至要。

爲十二陳圖上之獻之覽而嘉焉又都督三道諸軍屯道南時每歲秋冬遣軍三道並出以備北寇至春中乃班歸賀以勞役京都又非禦邊長計乃上言請募諸州鎮有武勇者二萬人復其徭賦厚加振恤分爲三部一鎮之間築城城置萬人給強弩十二牀武衛三百乘弩一牀給牛六匹武衛一乘給牛二頭多造馬槍及諸器械使武略大將二人以鎮撫之冬則講武春則種植並戍並耕則兵未勞而有盈蓄矣又於白道南二處立倉運近州鎮租粟以充之足食足兵以備不虞於事爲便不可歲常舉衆事寢不報上書稱病乞骸骨至于再三乃許之朝有大議皆就詢

訪又給衣藥珍羞太和元年二月療疾於溫湯孝文文明太后遣使屢問消息太醫視疾患篤還于京師乃遺令諸子曰吾頃以老患辭事不悟天慈降恩爵達於汝汝其毋傲恡毋荒怠毋奢越毋嫉妬疑思問言思審行思恭服思度過惡揚善親賢遠佞目觀必真耳屬必正忠勤以事君清約以臨己吾終之後所葬時服單纊足由孝心爲靈明器一無用也三年薨贈侍中太尉隴西王印綬謚曰宣王賜輜輶車及命服溫明祕器陪葬金陵長子延性謹厚少好學位侍御中散賜爵廣武子卒贈涼州刺史廣武侯謚曰簡子鱗襲延弟思禮後賜名懷謙恭寬雅有大度文成

末為侍御中散父賀辭老詔受父爵後持節督諸屯於漢南蠕蠕甚憚之還除殿中尚書出為長安鎮將雍州刺史清儉有惠政善撫恤劫盜息止復拜殿中尚書加侍中參都曹事又督諸軍征蠕蠕六道大將咸受節度遷尚書令參議律令後例降為公除司州刺史又從駕南征加衛大將軍領中軍事以母憂去職賜帛三百匹穀一千石車駕幸代詔使者弔慰景明二年除尚書左僕射加位特進時詔以姦吏犯罪每多逃遁肆者乃出竝皆釋然自今犯罪不問輕重藏竄者悉皆遠流若永避不出兄弟代徙懷乃奏曰謹案條制逃吏不在赦限竊惟聖朝之恩事異前宥

諸流徙在路尚蒙旋返況有未發而仍遣邊戍案守宰犯罪逃走者衆祿潤既優尚有茲失及蒙恩宥卒然得還今獨苦此等恐非均一之法書奏門下以成式既班駁奏不許懷重奏曰臣以為法貴經通政尚簡要刑憲之設所以網羅罪人苟理之所備不在繁典伏尋條制勳品以下罪發逃亡遇恩不宥雖欲抑絕姦途匪為通式謹按舊條侵官敗法專據流外豈九品已上人皆貞白也其諸州守宰職任清流至有貪濫事發逃竄而遇恩免罪勳品已下獨未斯例如此則寬縱上流法切於下育物有差惠罰不等又謀逆滔天經恩尚免更犯微罪獨不蒙赦使大宥之

經不通開生之路致雍進違古典退乖今律臣少踐天官
不荷樞要每見訴訟出入嗟苦輒率愚見以爲宜傳書奏
直武納之其年除車騎大將軍涼州大中正懷又表曰昔
世祖升遐南安在位出拜東廟爲賊臣宗愛所賊時高宗
避難龍潛苑中宗愛異圖神位未立先臣賀與長孫渴侯
馮麗等奉迎高宗纂徽寶命麗以扶負聖躬親所見識蒙
授撫軍司徒公平原王興安二年追論定策之勲進先臣
爵西平王皇興季年顯祖將傳大位於京兆王先臣時都
督諸將屯於武川被徵詣京特見顧問先臣固執不可顯
祖父乃許之遂命先臣持節授皇帝璽綬於高祖至太和

十六年麗息歡狀祕書稱其亡父與先臣援立高宗朝廷
追錄封睿鉅鹿郡開國公臣時丁艱草土不容及例至二
十年除臣雍州刺史臨發奉辭面奏先帝由先臣舊勲時
蒙敕旨但赴所臨尋當別判至二十一年車駕幸雍臣復
陳聞時蒙敕旨征還當授自官車馬駕遂令不申竊惟先
臣遠則援立高宗寶曆不墜近則陳力顯祖神器有歸如
斯之勲超世之事也麗以父功而獲山河之賞臣有家勲
不虛茹土之錫得否相懸請垂裁處詔曰宿老元臣云如
所訴訪之史官頗亦言此可依授北馮翊郡開國公食邑
九百戶又詔爲使持節加侍中行書監巡行北邊六鎮恒燕

朔三州賑給貧乏兼採風謠考論殺最事之得失先決
後聞自京師遷洛邊朔遙遠加以連年旱儉百姓困弊懷
銜命撫導存恤有方便宜運轉有無通濟時后父子勤勢
傾朝野勁兄子祐與懷宿昔通婚時為沃野鎮將頗有受
納將入鎮祐郊迎道左懷不與相聞即劾祐免官懷朔鎮
將元尼須與懷少舊亦貪穢狼籍置酒請懷曰命之長短
由卿之口豈可不相寬貸懷曰今日之集乃是源懷與故
人飲酒之坐非鞫獄之所也明日公庭始為使人檢鎮將
罪狀之處尼須揮淚而已無以對之既而懷表劾尼須其
奉公不撓皆此類也時百姓為豪強陵獸積年枉滯一朝

信州路事刊

北史列傳十六上

二十一

見申者日有百數所上事宜便於北邊者凡三十餘條皆
見嘉納正始元年九月有告蠕蠕率十二萬騎六道並進
欲直趣沃野懷朔南寇恒代詔懷以本官加使持節侍中
出據北蕃指授規略隨須徵發諸所處分皆以便宜從事
又詔懷子直寢徵隨懷北行詔賜馬一匹細鎧一具御稍
一枚懷拜受既訖乃於其庭跨鞍執稍躍馬大呼顧謂賓
客曰氣力雖衰尚得如此蠕蠕雖畏壯輕老我亦未便可
欺今奉廟勝之規摠驍捍之衆足以禽其酋帥獻俘闕下
耳時年六十一懷至雲中蠕蠕亡遁旋至恒代乃案視諸
鎮左右要害之地可以築城置戍之處皆量其高下揣其

老當益壯

厚薄及儲糧積仗之宜犬牙相救之勢凡表五十八條宣武竝從之卒贈司徒公謚曰惠懷性寬簡不好煩碎恒語人曰爲政貴當舉綱何必須大子細也如爲屋但外望高顯楹棟平正足矣斧斤不平非屋病也性不飲酒而喜以飲人好接賓客雅善音律雖在白首至宴居之暇常自操絲竹子子邕字靈和少好文雅篤志於學推誠待士士多歸之累遷夏州刺史時沃野鎮人破六韓拔陵首爲反亂統萬逆徒寇害應接子邕嬰城自守城中糧盡煮馬皮而食之子邕善綏撫無有離貳以飢饉轉切欲自出求糧留子延伯據守寮屬僉云未若棄城俱去更展規略子邕泣

請於衆曰吾世荷國恩此是吾死地更欲何求遂自率羸弱向東夏運糧延伯與將士送出城哭而拜辭三軍莫不嗚咽子邕爲朔方胡帥曹阿各拔所邀力屈被執乃密遣人齎書間行與城中云大軍在近汝其奉忠勿移其操子邕雖被囚束雅爲胡人所敬常以百姓禮事之子邕爲陳安危禍福之端勸阿各拔令降將從之未果而死拔弟桑生代搆部衆竟隨子邕降時北海王顥爲大行臺子邕具陳諸賊可滅狀顥給子邕兵令其先出時東夏合境反叛所在屯結子邕轉戰而前九旬之中凡數十戰乃平東夏徵稅租粟運糧統萬於是二夏漸寧及蕭寶實等爲賊所

敗關右騷擾時子邕新平黑城遂率十馬并夏州募義人
鼓行南出賊帥康維摩守鋸谷斷紹甄棠橋子邕與戰大
破之禽維摩又攻破賊帥契官斤於楊氏堡出自西夏至
於東夏轉戰千里至是朝廷始得委問除兼行臺尚書復
破賊帥紇單步胡提於曲沃明帝璽書勞勉之子邕在白
水郡破賊率宿勤明達子阿非軍多所斬獲除給事黃門
侍郎封樂平縣公以葛榮久逼信都詔子邕為北討都督
時相州刺史安樂王鑒據鄴反敕子邕與都督李神軌先
討平之改封陽平縣公遂與裴衍發鄴討葛榮而信都城
陷除子邕冀州刺史其妻行俱進子邕戰敗而歿贈司空

諡曰莊穆子邕弟子恭字靈順聰敏好學稍遷尚書北主
客郎攝南主客事時梁亡人許周自云梁給事黃門侍郎
朝士咸共信待子恭奏以為真偽難辯請下徐揚二州密
訪周果以罪歸闕詐假職位如子恭所疑河州羌却鐵忠
反詔子恭為行臺討之子恭示以威恩兩旬間悉降朝廷
嘉之正光元年為行臺左丞巡北邊轉為起部郎中明堂
辟雍竝未建就子恭上書求加經綜書奏從之稍遷豫州
刺史頻以軍功加鎮南將軍兼尚書行臺元顥之入洛也
加子恭車騎將軍子恭不敢拒之而頻遣使參莊帝動
靜未幾顥敗車駕還洛錄前後征討功封臨潁縣侯侍中

介朱榮之死也世隆度律斷據河橋詔子恭為都督以討之尋而太府卿李苗夜燒河橋世隆退走以子恭兼尚書僕射為大行臺大都督節閔帝初以預定策勲封臨汝縣子永熙中入為吏部尚書以子恭前在豫州戰功追賞襄城縣男又論子恭餘効封新城縣子子恭尋表請轉授第五子文盛許之天平初除中書監三年拜魏尹又為齊神武王軍司卒贈司空公諡曰文獻子彪

彪字文宗學涉機警少有名譽魏永安中以功賜爵臨潁縣伯天平四年為涼州大中正及齊文襄攝選沙汰臺郎以文宗為尚書祠部郎中皇建二年累遷涇州刺史文宗

信州路李和
北史列傳十六上
二十五
和

以恩信待物甚得邊境之和為隣人所欽服前政被抄掠者多被放遣累遷秦州刺史兼傳之府特給後部鼓吹時李貞聘陳陳主云齊朝還遣源涇州來在瓜步真可謂通和矣武平三年授祕書監陳將吳明徹寇淮南歷陽瓜步相尋朱守趙彥深於起居省密訪文宗討捍之計文宗曰國家待遇淮南失之同於蒿箭以為宜以淮南委之王琳琳於雲瑱不肯北面事之明矣彥深曰弟此良圖但以口舌爭來十日已是不見從時事如此安可盡言因相顧流涕及齊平與陽休之等十八人入京授儀同大將軍司成下大夫隋開皇中拜莒州刺史遇病去官卒文宗以貴族

子弟升朝列才識敏贍以幹局見知然好游貴要之門時論以為善附會

師字踐言少知名明辯有識悟尤以吏事自許仕齊為尚書左外兵郎中又攝祠部後屬孟夏以龍見請雩時高阿那肱為錄尚書事謂為真龍出見大敬焉喜問龍所在云作何顏色師整容云此是龍星初見依禮當雩祭郊壇非謂真龍別有所降阿那肱忿然作色曰漢兒多事強知星宿祭事不行師出竊歎曰國家大事在祀與戎禮既廢也其能久乎齊亡無日矣尋周武帝平齊授司賦上士隋文帝受禪累遷尚書左丞以明幹著稱時蜀王秀頗違法度乃

國朝列

北史列傳十六上

二十五

以師為益州摠管司馬俄而秀被徵秀恐京師有變將謝病師數勸之不可違命秀乃作色曰此我家事何預卿也師垂涕苦諫秀乃從徵秀發後州官屬多相連坐師以此獲免後加儀同三司煬帝即位拜大理少卿帝在顯仁宮敕宮外衛士不得輒離所守有一主帥私令衛士出外帝付大理師據法奏徒帝令斬之師奏曰若陛下初便殺之自可不關文墨既付有司義歸恒典脫宿衛近侍者更有此犯將何以加之帝乃止師居職強明有口辯而無廉平之稱卒於刑部侍郎子恭第纂字靈秀位太府少卿遇害河陰贈定州刺史子雄

雄字世略少寬厚美姿容初仕魏歷位祕書郎在周以
齊功封朔方公歷翼平二州刺史檢校徐州摠管及尉遲
迴作亂時雄家累在相州迴潛以書誘之雄卒不顧隋文
帝遺書慰勉之迴遣其將畢義緒據蘭陵席毗陷昌慮下
邑雄遣衆悉平之陳人見中原多故遣其將陳紀蕭摩訶
任蠻奴周羅暉樊毅等侵江北自江陵東距壽陽人多應
之攻陷城鎮雄與吳州摠管于顛等擊走之悉復故地進
位上大將軍拜徐州摠管遷朔州摠管平陳之役從秦王
俊出信州道陳平以功進位上柱國賜子崇爵端氏縣伯
襲爲安化縣伯復鎮朔方後歲上表乞骸骨徵還京師卒
於家子嵩嗣大業中爲尚書虞部郎討北海賊力戰死之
贈正議大夫

劉尼代人也曾祖敷有功於道武爲方面大人父婁爲冠
軍將軍尼勇果善射太武見而善之拜羽林中郎賜爵昌
國子宗愛旣殺南安王余於東廟祕之唯尼知狀尼勸愛
立文成愛自以負罪於景穆聞而驚曰君大癡人皇孫若
立豈忘正平時事乎尼曰若爾立誰愛曰待還宮擢諸王
子賢者而立之尼懼其有變密以狀告殿中尚書源賀時
與尼俱典兵宿衛仍共南部尚書陸彞謀密奉皇孫於
賀與尚書長孫曄侯嚴守衛尼與彞迎文成於苑中

非酒過乃酒
也

抱文成於馬上入於京城尼馳還東廟大呼曰宗愛殺南安王大逆不道皇孫已登大位有詔宿衛之士皆可還宮衆咸唱萬歲賀及渴侯登執宗愛賈周等勒兵而入奉文成於宮門外入登永安殿以尼爲內行長封東安公尋遷尚書右僕射爲定州刺史在州清慎然率多酒醉文成未爲司徒獻文即位以尼有大功於先朝特加尊重賜別戶四十皇興四年車駕北征帝親誓衆而尼昏醉兵陳不整帝以其功重特恕之免官而已延興四年薨子社生襲薛提太原人皇始中補太學生拜侍御史累遷晉王丕衛兵將軍冀州刺史封太原公有政績徵拜侍中攝都曹事

言州監李刑

北史列傳一六上

二十七

太武崩祕不發喪尚書左僕射蘭延侍中和延等議以皇孫幼冲宜立長君徵秦王翰置之祕室提曰皇孫有世嫡之重人望所係春秋雖少令問聞於天下廢所宜立而更別求必有不可延等未決中常侍宗愛知其謀矯皇后令徵提等入殺之文成即位以提有謀立之誠詔提弟浮子襲先爵太原公有司奏降爲侯

論曰陸侯以智識見稱故乃不替風範雅杖名節自立功名其傳芳銘典豈徒然也麗忠國奉主鬱鬱爲梁棟資忠履義赴難如歸世載克昌名不虛得睿瑋以沈雅顯達何末亦披猖子彰令終之美家聲孔振印及彦師俱以孝爲本

出處之譽並可作範人倫爽學業有聞亦人譽也上源賀堂
堂非徒武節觀其翼佐文成廷抑禪讓殆乎社稷之臣懷
幹略兼舉出內馳譽繼迹賢孝不隋先業子邕功立夏方
身亡翼野彪著名齊朝師雄官成隋代美矣已劉尼忠國豈
徒驍猛之用薛提正議忠謀見害姦閹痛乎

列傳第十六

北史二十八

隋州路季列

北史列傳一六上

二十八

首五

方洽周益

周益之冕

孫

粹

司馬休之

司馬楚之

曾孫蕭司馬景之
司馬叔璠司馬天勅

劉昶

蕭寶夤

兄子贊

蕭正表

蕭祗

蕭退

蕭泰

蕭撫

北史列傳十七上

蕭圓肅

蕭大園

司馬休之字季豫河內溫人晉宣帝季弟譙王進之後也
晉度江之後進子孫龍襲封譙王至休之父恬為鎮北將軍
青兗二州刺史天興五年休之為荊州刺史破桓玄逼逐
遂奔慕容德及玄誅還建業復為荊州刺史休之頗得江
漢人心其子文思繼其兄尚之為譙王謀圖劉裕裕執送
休之令為其所休之表廢文思并與裕書陳謝神瑞中裕
收休之子文寶兄子文祖並殺之乃討休之休之與魯宗
之及宗之子軌起兵討裕兵敗遂與子文思及宗之奔姚

興裕滅姚泓休之與文思及晉河間王子道賜等數百人皆將妻子降長孫嵩卒贈征西大將軍右光祿大夫始平公謚曰聲文思與淮南公國璠池陽子道賜不平而爲親之國璠性踈直因醉欲外叛文思告之皆坐誅以文思爲廷尉賜爵鬱林公文思善於其職聽斷百姓不得匿其情進爵譙王位懷荒鎮將薨

司馬楚之字德秀晉宣弟太常胤之八世孫也父榮期晉益州刺史爲其參軍楊承祖所殺楚之時年十七送父喪還丹楊會劉裕誅夷司馬氏叔父宣期兄貞之竝遇害楚之乃逃匿諸沙門中濟江至汝潁間楚之少有英氣能折

節待上及宋受禪規欲報復收衆據長社歸之者常萬餘人宋武深憚之遣刺客沐謙圖害楚之楚之待謙甚厚謙夜詐疾知楚之必來欲因殺之楚之聞謙病果自齎湯藥往省之謙感其意出匕首於席下以狀告遂委身以事之其推誠信物得士心皆此類也明元末山陽公奚斤略地河南楚之遣使請降授荊州刺史奚斤既平河南以楚之所率人戶分置汝南汝陽南頓新蔡四郡以益豫州太武初楚之遣妻子內居於鄴尋徵入朝授安南大將軍封琅邪王以拒宋師賜前後部鼓吹破宋將到彥之別軍於長社又與冠軍安頡攻拔滑臺禽宋將朱修之李元德及東

郡太守申讓得萬餘人上疏求更進討太武以兵久勞不
欲以散騎常侍徵還宋將裴方明胡崇之寇仇池楚之與
淮南公皮豹子等督關中諸軍擊走方明會崇之仇池平
還車駕征蠕蠕楚之與齊陰公盧中山等督運以繼大
武時鎮北將軍封沓亡入蠕蠕說令擊楚之以絕糧運蠕
蠕乃遣胡楚之軍截驢耳而去有告失驢耳者楚之曰必
覘賊截之為驗耳賊將至矣乃伐柳為城灌水令凍城立
而賊至不可攻逼乃走散太武聞而嘉之尋拜假節侍中
鎮西大將軍開府儀同三司雲中鎮大將朔州刺史在邊
二十餘年以清儉著聞及薨贈征南大將軍領護西戎校

州李刊
北史列傳十七

三
伯

尉揚州刺史謚貞王陪葬金陵長子寶胤與楚之同入魏
拜中書博士鴈門太守卒楚之後尚諸王女河內公主生
子金龍字榮則少有父風後龍爵拜侍中鎮西大將軍開
府雲中鎮大將朔州刺史吏部尚書薨贈司空公謚康王
金龍初納太尉隴西王源賀女生子延宗次纂次悅後娶
沮渠氏生子徽亮即河西王沮渠牧犍女大武妹武威公
主所生也有寵於文明太后故以徽亮襲爵例降為公坐連
穆表罪失爵卒悅字慶宗歷位豫州刺史時有汝南上蔡
董毛奴者齎錢五千死於道路郡縣人疑張堪為劫又於
堪家得錢五千堪懼掠自認言殺至州悅觀色疑其不實

可謂察極也

引見毛奴兄靈之謂曰殺人取錢當時狼狽應有所遺得何物靈之曰唯得一刀削悅取視之曰此非里巷所為也乃召州內刀匠示之有郭門前曰此刀削門手所作去歲賣與郭人董及祖悅收及祖詰之及祖款引靈之又於及祖身上得毛奴所衣皂襦及祖伏法悅察獄多此類也俄與鎮南將軍元英攻克義陽詔改梁司州為郢州以悅為刺史改為豫州刺史論前勲封漁陽子永平元年城人白早生謀為叛遂斬悅首送梁詔楊州移購悅首贈青州刺史謚曰莊子子肱襲肱尚宣武妹華陽公主拜駙馬都尉負外散騎常侍卒贈滄州刺史子鴻字慶雲性龜武龍爵位都水使者坐通西魏賜死子孝政襲齊受禪例降肱弟

商

北史列傳十七

九

商字遵胤少孤有志操起家司徒府參軍事後為負外散騎常侍大統三年大軍復弘農乃於温城送款歸西魏六年授北徐州刺史八年入朝周文帝嘉之特蒙賞勞頃之河內有囚千餘家歸附竝商之鄉舊乃命領河內郡守令安集流人十五年周文令山東立義諸將等能率眾入關者竝加重賞竝領五千室先至周文欲以封商商辭曰立義之士遠歸皇化者實是其誠心內發豈商能率之乎今封商便是賣義士以求榮周文善而從之授即都督拜

其妻元為襄城郡公主，周孝閔帝踐祚，除巴州刺史。進使持節驃騎大將軍開府儀同三司，進爵琅邪縣伯。四年，御正中大夫，進爵為公。大軍東討，商與少師楊勣守軹關，即授懷州刺史。天和初，隨上庸公陸騰討信州反蠻，冉令賢等商自開州道入，先遣使宣示禍福，群蠻率服。歷信潼二州刺史。六年，徵拜大將軍，除西寧州刺史。未及部卒於京師，商性清約，不事生產，所得俸祿並散之親戚，身死之日，家無餘財。宅宇卑陋，喪庭無所，詔為起祠堂，焉贈本官，加泗州刺史。謚曰定。子侃，嗣侃字道遷，少果勇，未弱冠便從戎旅，位樂安郡守，以軍功加驃騎大將軍開府儀同

信州府志

北史列傳二十七上

五

吳肅

三司遷兗州刺史。未之部卒，贈本官，加豫州刺史。謚曰惠。子運，嗣金龍弟，字寶龍，尚趙郡公主，拜駙馬都尉。代兄為雲中鎮將，拜朔州刺史，假安北將軍。河內公表求罷河西苑封，巧人懇殖，有司執奏，此苑麋鹿所聚，太官取給，若巧人懼有所闕，躍固請，孝文從之。還為祠部尚書。大鴻臚卿，潁川王師卒，楚之父子相繼鎮雲中，朔土服其威德。司馬氏桓玄，劉裕之際歸北者，又有司馬景之叔璠，天助位，並宗顯。

景之字洪略，晉汝南王亮之後。明元時歸闕，賜爵蒼梧公。加征南大將軍，清直有節操，卒贈汝南王子師子襲爵景。

魏字非注

之兄淮字巨之以太常求歸魏封新安公除廣寧太守改
密陵侯卒子安國襲爵

叔璠晉安平獻王旦之後父曇之晉河間王桓玄劉裕之
際叔璠與兄國璠奔慕容超後投姚泓泓滅奔岳西統万
平兄弟俱入魏國璠賜爵淮南公叔璠賜爵丹楊侯

天助自云晉驃騎將軍元顯之子闕封東海公歷青兗
二州刺史

劉昶字休道宋文帝子也在宋封義陽王位徐州刺史及
廢王子業立疑昶有異志昶和平六年遂委母妻攜妾吳
氏間行降魏朝廷嘉重之尚武邑公主拜侍中征南將軍

信州路季刊 北史列傳二十七上 六 吳甫

三尚公主

駙馬都尉封丹楊王歲餘主薨更尚建興長公主皇興中

宋明帝使至獻文詔昶與書為兄弟式宋明帝不荅責昶
以母為其國妻宜如春秋荀瑩對楚稱外臣之禮尋敕昶
更為書辭曰臣若改書事為二敬猶脩往文彼所不納請

停今荅朝廷從之拜外都坐大官公主復薨更尚平陽長
公主昶好犬馬愛武事入魏歷紀猶布衣皂冠同凶素之
服然呵罵僮僕音雜夷夏雖在公坐諸王每侮弄之或疾

手擊臂至於痛傷笑呼之聲聞于御聽孝文每優假之不
以怪問至於陳奏本國事故語及征役則斂容涕泗悲動
左右而天性褊躁喜怒不恒每至感忿焚扑特苦引待南

士禮多不足緣此人懷畏避太和初轉內都坐大官及齊
初詔昶與諸將南伐路經徐州哭拜其母舊堂哀感從者
乃徧循故居處處隕涕左右亦莫不酸鼻及至軍所將臨
陣四面拜諸將士自陳家國滅亡蒙朝廷慈覆辭理切至
聲氣激揚涕泗橫流三軍咸為感歎後昶恐水雨方降表
請還師從之又加儀同三司領儀曹尚書於時改革朝儀
詔昶與蔣少遊專主其事昶條上舊式略不遺忘孝文臨
宣文堂引武興王楊集始入宴詔昶曰集始邊方之酋不
足以當諸侯之禮但王者不遺小國之臣故勞公卿於此
又為中書監開建五等封昶齊郡公加宋王之號十七年

信李

北史列傳十七上

七

昶

孝文臨經武殿大議南伐語及劉蕭篡奪之事昶每悲泣
不已帝亦為之流涕禮之彌崇十八年除使持節都督吳
越楚彭城諸軍事大將軍開府鎮徐州昶頻表辭大將軍
詔不許及發帝親餞之命百僚賦詩贈昶又以其文集一
部賜昶帝因以所製文筆示之曰時契勝殘事鍾文業雖
則不學欲罷不能脫思一見故以相示雖無足味聊復為
一笑耳其重昶如是自昶背彭城至是久矣昔齊守山池
竝尚存立昶更脩繕還處其中不能緩邊懷物撫接義故
而閨門喧猥內外奸雜舊吏莫不慨歎頽營墓於彭城西
南與三公主同塋而異穴故歿石累之墳崩墜殺十餘人後

復移改公私費害十九年昶朝京師孝文臨光極堂大選
曰國家昔在恒代隨時制宜非通世之長法或言唯能是
寄不必拘門朕以為不然何者清濁同流混齊一等君子
小人名品無別此殊為不可我今八族以上士人品第有
九九品之外小人之官復有七等若苟有其人可起家為
三公正恐賢才難得不可止為一人混我典制故令班鏡
九流使千載之後我得髮像唐虞卿等依稀元凱及論大
將軍帝曰劉昶即其人也後給班劍二十人薨於彭城差
文為之舉哀給温明祕器贈假黃鉞太傅領揚州刺史加
以殊禮備九錫給前後部羽葆鼓吹依晉琅邪王佑故事

信李

北史列傳十七上

八

謚曰明昶嫡子承緒主所生也少而尪疾尚孝文妹彭城
長公主為駙馬都尉先昶卒承緒子暉字重昌為世子襲
封尚宣武第二姊蘭陵長公主主嚴妬暉嘗私幸主侍婢
有身主笞殺之剖其孕子節解以草裝實婢腹裸以示暉
暉遂忿憾踈薄公主公主姊因入聽講言其故於靈太后
太后敕清河王懌窮其事懌與高陽王雍廣平王懷奏其
不和狀請離婚削除封位太后從之公主在宮內周歲雍
等屢請聽復舊義太后流涕送公主誠令謹敕正光初暉
又私淫張陳二氏女公主更不檢忌主姑陳留公主共將
扇獎與暉復致忿諱暉推主墜牀手脚毆躄主遂傷胎暉

懼罪逃逸靈太后召清河王懌決其事二家女髡笞付宮
兄弟皆坐鞭刑徙配敦煌爲兵主因傷致薨太后親臨慟
哭舉哀太極東堂出葬城西太后親送數里盡哀而還後
執暉於河內溫縣幽于司州將加死刑會赦免後復其官
爵遷征虜將軍中散大夫卒家遂襄頓

蕭寶夤字智亮齊明帝第六子廢主寶卷之母弟也在齊
封建安王及和帝立改封鄱陽王梁武克建業以兵守之
將加害焉其家闈人顏文智與左右麻拱黃神密計穿墻
夜出寶夤具小船於江岸脫本衣服着烏布襦繫繫千許
錢潛赴江畔躡僑徒步脚無全皮防守者至明追之寶夤

北史十七上

九

奇考

假爲釣者隨流上下十餘里追者不疑待散乃度西岸遂
委命投華文榮文榮與其從天龍惠連等三人棄家將寶
夤遁匿山澗賃驢乘之晝伏宵行景明二年至壽春東城
戍戍主杜元倫推檢知寶夤氏子以禮延待馳告揚州刺
史任城王澄澄以車馬侍衛迎之時年十六徒步憔悴見
者以爲掠賣生口也澄待以客禮乃請喪君斬衰之服澄
遣人曉示情禮以喪兄之制給其齊衰寶夤從命澄率官
僚赴吊寶夤居處有禮不飲酒食肉輟笑簡言一同極哀
之節壽春多其故義皆受慰唁唯不見夏侯一族以其同
梁故也改日造澄澄深器重之及至京師宣武禮之甚重

伏訴闕下。請兵南伐。雖遇暴風大雨。終不暫移。是年梁江州刺史陳伯之與其長史褚曹等自壽春歸降。請軍立效。帝謂伯之所陳時不可失。以寶寅懇誠。除使持節都督東揚州刺史鎮東將軍丹陽郡公齊王配兵一萬令據東城。待秋冬大舉。寶寅明當拜命。其夜慟哭。至晨備禮策授賜車馬什物。事從豐厚。猶不及劉昶之優隆也。又任其募天下壯勇得數千人。以文智三人等為積弩將軍。文榮等三人為強弩將軍。竝為軍主。寶寅雖少羈寓而志性雅重。過暮猶絕酒肉。慘悴形色。蔬食麤衣。未嘗嬉笑。及被命當南伐。貴要多相憑托。門庭賓客若市。而書記相尋。寶寅接對。

北史列傳十七上

十一

寶寅

報復不失其理。正始元年寶寅行達汝陰。東城已陷。遂停壽春之栖賢寺。逢梁將姜慶貞內侵。圍逼壽春。寶寅率衆力戰破走之。寶寅勇冠諸軍。聞見者莫不壯之。還改封梁郡公及中山王。英南伐寶寅又表求征。與英頗破梁軍。乘勝攻鍾離。淮水汎溢。寶寅與英狼狽引退。士卒死沒者十四五。有司奏處以極法。詔恕死免官。削爵還第。尋尚南陽長公主。公主有婦德。寶寅盡雍和之禮。雖好合而敬事不替。寶寅每入室。公主必立以待之。相遇如賓。自非太妃疾篤。未嘗歸休。寶寅器性溫順。自處以禮。奉敬公主。內外諧穆。清河王懌親而重之。永平四年盧昶克梁。胸山戍以琅

邪戍主傳文驥守之梁師攻文驥和督威軍救之詔寶夤
為使持節假安南將軍別將長驅往赴授昶節度寶夤受
詔泣涕橫流哽咽良久後昶軍敗唯寶夤全師而還延昌
初除瀛州刺史復其齊王遷冀州刺史及大乘賊起寶夤
遣軍討之頗為賊破臺軍至乃滅之靈太后臨朝還京師
梁將康絢於浮山堰淮以灌揚徐除寶夤使持節都督東
討軍事鎮東將軍以討之復封梁郡公熙立初梁堰既成
淮水將為揚徐之患寶夤乃於堰上流更鑿新渠水乃小
減乃遣壯士千餘人夜度淮燒其竹木營聚破其三壘火
數日不滅又分遣將破梁將垣孟孫張僧副等於淮北仍

度淮南焚梁徐州刺史張豹子等十一營及還京師為殿
中尚書寶夤之在淮堰梁武寓書招誘之寶夤表送其書
陳其忿毒之意志存雪復屢請居邊神龜中為都督徐州
刺史車騎大將軍乃起學館於清東朔望引見士姓子弟
接以恩顏與論經義勤於聽理吏人愛之正光二年徵為
尚書左僕射善於吏職甚有聲名四年上表曰竊惟文武
之名在人之極地德行之稱為生之最首忠貞之美立朝
之譽仁義之號處貞之端自非職惟九官任當四嶽授曰
爾諧讓稱俞往將何以克厭大名允茲令問自比以來官
圖高卑人無貴賤皆飾辭假說用相褒舉求者不能量其

多少與者不能數其是非遂使冠履相質名實皆爽謂之
考功事同汎涉紛紛漫漫焉可勝言又在京之官積年十
考其中或所事之主遷移數四或所奉之君身亡廢絕雖
當時文簿記其殿最日夕月遙散落都盡累年之後方求
追訪無不苟相悅附共為脣齒飾垢掩疵妄加丹素趣令
得階而已無所顧惜賢達君子未免斯患中庸已降夫復
何論官以求成身以請立上下相蒙莫斯為甚又勤恤人
隱咸歸守令厥任非輕所責實重然及其考課悉以六載
為約既而限滿代還復經六年而叙是則歲周十二始得
一階於東南兩省文武閑職公府散佐無事冗官或數旬

方應直或朔望止於暫朝及其考日更得四年為限是
則一紀之中便登三級彼以實勞劇任而遷貴之路至難
此以散位虛名而升陟之方甚易何內外之相懸令厚薄
之若此孟子曰仁義忠信天爵也公卿大夫士爵也古之
人脩其天爵而人爵從之故雖文質異時滄隆殊世莫不
寶茲名器不以假人是以賞罰之科恒自持也乃至周之
藹藹五叔無官漢之察察館陶徒請誠以賞罰一差則無
以懲勸至公暫替則覲覲相欺故至慎至惜殷勤若此況
乎親非肺腑才乖秀逸或充單介之使始無汗馬之勞或
說興利之規終縣十一之潤皆虛張無功妄指羸益無獲

數階之官籍成通顯之貴於是巧詐萌生偽辯鋒出投萬
慮以求榮開百方而逐利抑之則其流已徃引之則有何
紀極夫琴瑟在於必和更張求其適調去者既不可追來
者猶或宜改案周官太宰之職歲終則令官府各正所司
受其會計聽其事致而詔於王三歲則大計羣吏之政而
誅賞之愚謂今可粗依其準見居官者每歲終本曹皆明
辯在官日月具覈才行能不審其審具用而注其上下游辭
名說一無取焉列上尚書覆其合否如此紕繆即正而罰
之不得方復推詰委下容其進退既定其優劣善惡交分
經奏之後考功曹別書於黃紙油帛一通則本曹尚書與

令僕印署留於門下一通則以侍中黃門印署掌在尚書
嚴加緘密不得開視考績之日然後對其裁量其外內考
功裁非庸管乞求博議以為畫一若殊謀異策事關廢興
遷迹所設物無異議者自可臨時斟酌匪拘恒例至如援
流引比之詐貪榮求級之請如不限以關鍵肆其傍通則
蔓草難除清流遂積穢我彝章撓茲大典謂宜明加禁斷
以全至化詔付外博議以為永式竟無所改時梁武弟子
西豐侯正德來降寶寅表曰正德既不親親安能親人脫
包此凶醜寘之列位百官是象其何誅焉臣嬰結縲深痛
纏骨髓日暮途遙報復無日豈區區於一豎哉但才雖庸

近職居獻替馬東寸抱敢不申陳正德既至京師朝廷待之尤薄歲餘還叛初秦州城人薛伯珍劉慶杜遷等反斬刺史李彥推莫折大提為首自稱秦王大提尋死其第四子念生竊號天子年曰天建置官僚以息阿胡為太子其兄阿倪為西河王弟天生為高陽王伯珍為東郡王安保為平陽王天生率眾出隴東遂寇雍州屯於黑水朝廷甚憂之除寶彘開府西道行臺為大都督西征明帝幸明堂以餞之寶彘與大都督崔延伯擊天生大破之追奔至小隴進討高平賊帥万俟醜奴於安定更有負捷時有天水人呂伯度兄弟始共念生同逆後與兄眾保於顯親聚眾

討念生戰敗奔於胡琛琛以伯度為大都督秦王資其士馬還征秦州大破念生將杜粲於城紀又破其金城王莫折普賢於永洛城遂至顯親念生率眾身自拒戰又大敗伯度乃背胡琛遣其兄子忻和率騎東引大軍念生事迫乃詐降於寶彘朝廷嘉伯度立義之功授涇州刺史平秦郡公而大都督元脩義高聿傳軍隴口又不西進念生復反伯度為醜奴所殺故賊勢更甚寶彘不能制孝昌三年除寶彘待中驃騎大將軍儀同三司假大將軍尚書令給前後部鼓吹寶彘初自黑水終至平涼與賊相對年年攻擊賊亦憚之關中保全寶彘之力三年正月除司空公出

師既久兵將疲弊是月大敗還雍州有司劾寶實死罪詔
怒為編戶四月除征西將軍雍州刺史開府西討大都督
自關以西皆受節度九月念生為其常山王杜黎所殺合
門皆盡黎降寶實十月除尚書令復其舊封時山東關西
賊充斥王師屢北人情沮喪寶實自以出師累年糜費
尤廣一旦覆敗慮見猜責內不自安朝廷頗亦疑阻及遣
御史中尉酈道元為關中大使寶實謂密欲取己將有異
圖關河東柳楷楷曰大王齊明帝子天下所屬今日之舉
實允人望且謠言鸞生十子九子殺一子不殺關中亂武
王有亂臣十人亂者理也大王當理關中何所疑慮道元
行達陰盤驛寶實密遣其將郭子恢等攻殺之而詐殺道
元尸表言賊所害遂反僭舉大號大赦其部內稱隆緒
元年立百官詔尚書僕射行臺長孫承業討之時北地毛
鴻賓與其兄遐紀率鄉義將討寶實寶實遣其將侯終德
往攻遐終德還圖寶實軍至白門寶實始覺與終德戰敗
攜公主及其少子與部下百餘騎從後門出遂奔方俟醜
奴醜奴以寶實為太傅命朱天光遣賀拔岳等破醜奴於
安定追禽醜奴及寶實送京師詔置閭闔門外都街中
京師士女聚觀凡經三日吏部尚書李神儁黃門侍郎高
道穆並與寶實素舊二人相與左右言於莊帝云其道迹

寶黃亦是男子
庶同夏辰色

事在前朝，冀將救免。會應詔王道習時自外至，莊帝問道：「習在外所聞。」道習曰：「唯聞陛下欲不殺蕭寶夤，人云李尚書高黃門與寶夤周款，竝居得言之地，必能全之。」道習因曰：「若謂寶夤在前朝，便將怨之，敗在長安，為醜奴。太傅豈非陛下御曆之日，賊臣不翦法，欲安施帝，然其言乃於太僕駝牛，署賜死，將刑，神雋攜酒就之，叙故舊，因對之下泣。寶夤勇然自持，了不憂懼，唯稱推天委命，恨不終臣節。」公主攜男女就寶夤訣，別慟哭極哀。寶夤亦色貌不改。寶夤三子皆公主所生，竝凡劣。長子烈復尚明帝妹，建德公主拜駙馬都尉，坐寶夤反伏法。次子權與小子凱射戲，凱矢激中之，死。凱妻長孫承業女也，輕薄無禮，公主數加罪責。凱竊銜恨，妻復或說之，天平中，凱遣奴害公主，乃輟凱於東市，妻梟首，家遂滅。寶夤兄子贊。

徐州李刊

北史列傳十七上

一六

互性

一種心事千古人師

吳氏始為子匿，不口及，王贊、梁武以為己子，封豫章王。及長，學涉有才思，其母告之以實，贊書則談，謹夜則銜悲涕泣。有濟陰南文寵，安定，梁詒贊曲，加禮，接割血，自誓，布以心腹。寵感其情義，深相然諾。會元法僧以彭城叛入梁，梁武命贊都督江北諸軍事，鎮彭城。時明帝遣安豐王延明、臨淮王彧討之，贊與寵詒夜奔，延明、孝昌，街悲秋，留于洛。

陽陞見後就館舉哀追服三載寶寅時在關西遣使觀察
問其形貌斂眉悲感朝廷賞賜豐渥禮遇隆厚授司空封
高平郡公丹楊王及寶寅反贊怖欲奔白鹿山至河橋為
北中所執朝議明其不相干預仍蒙慰免建義初轉司徒
遷太尉尚帝姊壽陽長公主拜駙馬都尉出為都督齊州
刺史驃騎大將軍開府儀同三司寶寅見禽贊拜表請寶
寅命介朱兆入洛為城人趙洛周所逐公主被錄送京介
朱世隆欲相陵逼公主守操被害贊既棄州為沙門潛詣
長白山未幾至陽平病卒贊機辯文義頗有可觀而輕薄
亦儻猶有父風普泰初迎其喪以王禮與公主合葬嵩山
焉贊江南有子在魏無後

元象初吳人盜其喪還江東吳不武猶以為子柎葬蕭氏墓
蕭正表字公儀梁武帝弟臨川王宏之子也在梁封山陰
縣侯位北徐州刺史鎮鍾離正表長七尺九寸雖質貌豐
美而性理短暗初梁武未有子以正表兄西昌侯正德為
子及自有子正德歸本私懷忿憾以正光三年背梁奔魏
魏朝以其人才庸劣不禮焉尋逃歸梁梁武不之罪封為
臨賀王侯景將濟江知正德有恨密與交通許推為主正
德以船迎之景度攻揚州正表聞正德為侯景所推盤桓
不赴援景尋以正表為南兗州刺史封南郡王正表遂於

歐陽立柵斷梁援軍南兖州刺史南康王肅會理遣兵數
破之正表走還鍾離以武定七年據州內屬封蘭陵郡王
尋除侍中太子太保開府儀同三司薨贈司空公謚曰昭
烈子廣壽

蕭祗字敬式梁武帝弟南平王偉之子也少聰敏美容儀
在梁封定襄縣侯位東揚州刺史于時江左承平政寬人
慢祗獨蒞以嚴切梁武悅之遷北兖州刺史太清二年侯
景園建業祗聞臺城失守遂來奔以武定七年至鄴齊文
襄令魏收邢邵與相接對歷位太子少傅領平陽王師封
清河郡公齊天保初授右光祿大夫領國子祭酒時梁元

帝平侯景後與齊通好文宣欲放祗等還南俄而西魏克
江陵遂留鄴卒贈中書監車騎大將軍揚州刺史子放字
希逸隨祗至鄴祗卒放居喪以孝聞所居廬室前有二慈
烏來集各據一樹為巢自午以前馴庭飲啄午後更不下
樹每臨時舒翅悲鳴全似哭泣家人則之未嘗有關時以
為至孝之感服闋龍爵武平中待詔文林館放性好文詠
頗善丹青因此在宮中披覽書史及近世詩賦監畫工作
屏風等雜物見知遂被眷待累遷太子中庶子散騎常侍
蕭退梁武帝弟司空鄱陽王恢之子也退在梁封湘潭侯
位青州刺史建業陷與從兄祗俱入東魏齊天保中位金

紫光祿大夫卒子慨深沈有體表好學善草隸書南工中
稱為長者歷著作佐郎待詔文林館卒於司徒從事中郎
蕭泰字世怡亦恢之子也在梁封豐城侯位譙州刺史侯
景龍而陷之因被執尋逃至江陵梁元帝平侯景以泰為
兼太常卿桂陽內史未至郡屬于謹平江陵遂隨克脩佐
郢州及脩卒即以泰為刺史湘州刺史王琳襲泰泰以州
輸琳時陳武帝執政徵為侍中不就乃奔齊為永州刺史
保定四年大將軍權景宣略地河南泰遂歸西魏以名犯
周文帝諱稱字焉拜開府儀同三司封義興郡公授蔡州
刺史政存簡惠深為吏人所安卒官子寶嗣寶字季珍美
實路季刑
北史列傳十七上
十九

風儀善談笑未弱冠名重一時隋文帝輔政引為丞相府
典籤開皇中至吏部侍郎後坐太子勇事誅時人寬之

蕭撫字智遐梁武帝弟安成王秀之子也性溫裕有儀表
在梁封永豐縣侯東魏遣李諧盧元明使梁梁武帝以撫
辭令可觀令兼中書侍郎受幣於賓館歷黃門侍郎累遷
東巴西梓潼二郡守及侯景作亂武陵王紀稱尊號時宗
室在蜀唯撫一人封撫秦郡王紀率眾東下以撫為尚書
令征西大將軍都督益州刺史守成都又令梁州刺史楊
乾運守潼州周文帝知蜀兵寡弱遣大將軍尉遲迥撫眾
討之迥入劔閣長驅至成都撫見兵不滿萬人而倉庫空

竭於是率文武於益州城北共迴升壇歃血立盟以城歸
魏授侍中開府儀同三司封歸善縣公周閔帝踐阼進爵
黃臺郡公武成中明帝令諸文儒於麟趾殿校定經史仍
撰世譜搆亦豫焉尋以母老兼有疾疹請在外著書詔許
之保定元年授禮部中大夫又以歸款功別賜食多陵縣
五百戶收其租賦三年出為上州刺史為政以禮讓為本
嘗至元日獄中囚繫悉放歸家聽三日然後赴獄主者爭
之搆曰昔王長虞延見稱前史吾雖寡德竊懷景行以之
獲罪彌所甘心諸囚荷恩竝依限而至吏人稱其惠化秩
滿向還部人李深等二百餘人上表乞留更兩載詔雖不

許甚嘉美之及搆入朝屬置露門學武帝以搆與唐瑾元
暉王暕等四人俱為文學博士搆以母老表請歸養私門
帝弗許尋以母憂去職歷少保少傅改封蔡陽郡公奉武
帝舉哀於正武殿贈使持節大將軍大都督少傅益州刺
史謚曰襄搆善草隸書名亞王褒筆數醫方咸亦留意所
著詩賦雜文數萬言頗行於世子濟字德成少仁厚頗好
屬文為東中郎將從搆入朝周孝閔帝踐阼除中外府記
室後至蒲陽郡守

蕭圓肅字明恭梁武帝之孫武陵王紀之子也風度淹雅
敏而好學紀稱尊號封宜都王除侍中紀下峽令圓肅副

蕭撫守成都及尉遲迴至與撫俱降授開府儀同三司侍
中封安化縣公周明帝初進棘城郡公以歸款勲別賜食
思君縣五百戶收其租賦後拜咸陽郡守甚有政績尋改
授太子少傅作少傅箴太子見而悅之致書勞問改授豐
州刺史尋進位上開府儀同大將軍歷司宗中大夫洛州
刺史進位大將軍隋開皇初授貝州刺史以母老請歸就
養許之卒於家有文集十卷又撰時人詩筆爲文海四十
卷廣堪十卷淮海離亂志四卷行於世

蕭大圜字仁顯梁簡文帝第二子也幼而聰敏年四歲
能誦三都賦及孝經論語七歲居母喪便有成人性梁大
信亭

北史列傳十七上

二十一

四

寶元年封樂梁郡王丹楊尹屬侯景殺簡文大圜潛遁獲
免景平歸建業時喪亂之後無所依乃寓居善覺佛寺人
有以告王僧辯乃給船餼得往江陵梁元帝見之甚悅賜
以越衫胡帶改封晉熙郡王除琅邪彭城二郡太守時大
圜兄汝南王大封等猶未通謁元帝性忌刻甚恨望之乃
使大圜召之大圜即日曉諭兩兄相繼出謁元帝乃安之
大圜恐讒慝生乃屏絕人事門客左右不過三兩人不妄
遊狎兄弟間止牋疏而已恒以讀詩禮書易爲事元帝嘗
自問五經要事數十條大圜詞約指明應答無滯帝甚歎
美之因曰昔河間好學爾既有之臨淄好文爾亦兼之然

有東平爲善彌高前載及于謹軍至元帝乃令大封亮使
請和大園副焉其實質也出至軍所信宿元帝降魏恭帝
二年大園至長安周文帝以客禮待之保定二年大封爲
晉陵縣公大園始寧縣公尋加大園車騎大將軍儀同三
司俄而開麟趾殿招集學士大園預焉梁武帝集四十卷
簡文集九十卷各止一本江陵平後竝藏祕閣大園入麟
趾方得見之乃手寫二集一年竝畢識者稱歎之大園深
信因果心安閑放嘗云拂衣褰裳無吞舟之漏網挂冠縣
節慮我志之未從儻獲展禽之免有美慈明之進如蒙北
叟之放實勝濟南之徵其故何哉夫閭閻者有優遊之美

信辛

北史列傳一七上

二十二

四

朝廷者有簪佩之累蓋由來久矣留侯追蹤於松子陶朱
成術於辛文良有以焉況乎智不逸群行不高物而欲辛
苦一生何其僻也豈如知足知止蕭然無累北山之北棄
絕人間南山之南超踰世網面脩原而帶流水倚郊甸而
枕平臯築蝸舍於叢林構環堵於幽薄近瞻烟霧遠睇風
雲藉織草以蔭長松結幽蘭而援芳桂仰翔禽於百仞俯
泳鱗於千尋果園在後開窻以臨花卉蔬圃居前坐簷而
看灌圃二頃以供饘粥十畝以給絲麻侍兒五二可充絰
織家僮數四足代耕耘沽酪牧羊恊潘生之志畜雞種黍
應莊叟之言獲叔尋汜氏之書露葵徵尹君之錄烹羔豚

而介春酒迎伏臘而候歲時披良書採至蹟歌纂纂陽
鳥可以娛神可以散慮有朋自遠揚榷古今田畯相過劇
談稼穡斯亦足矣樂不可支永保性命何畏憂責豈若蹙
足入絆申頸就羈遊帝王之門趨宰衡之勢不知飄塵之
少選寧學年祀之斯須万物營營靡存其意天道昧昧安
可問哉嗟乎人生若浮朝露寧俟長繩繫景定所願言執
燭夜遊驚其迅邁百年幾何敬蹠曲拳四時如流俛眉躡
足出處無成語默奚當非直立明所取抑亦宣尼耻之建
德四年除滕王道友道嘗問大圜曰吾聞湘東王作梁史
有之乎餘傳乃可抑揚帝紀奚若隱則非實記則攘羊對

曰言之妄也如使有之亦不足怪昔漢明為世祖紀章帝
為顯宗紀殷鑒不遠足為成例且君子之過如日月之蝕
彰於四海安得而隱之蓋子為父隱直在其中諱國之惡
抑又禮也道乃大笑後大軍拔晉州或問大圜師遂克不
對曰高歡昔以晉州肇基偽迹今本既拔矣能無亡乎所
謂君以此始必以此終居數月齊氏果滅聞者以為知言
隋開皇初拜內史侍郎卒於西河郡守撰梁舊事二十卷
寓記三卷上喪儀注五卷要法兩卷并文集二十卷大封
似開府儀同三司陳州刺史
論曰諸司馬以亂亡歸命楚之最可稱乎其餘碌碌未足

論也而以往代遺緒竝當思遇可謂幸矣劉昶猜疑懼禍
蕭贛亡破之餘竝潛骸窟影奉命上國俱稱曉了盛當位
遇雖有枕戈之志終無鞭墓之成昶諸子狂踈喪其家業
寤夏寅皆因忘義梟鏡其心蕭贛臨邊脫身晚去讎賊寵祿
頓臻顛狽旋至信吉凶之相倚也梁氏云季子弟奔亡正
表動不由仁胡顏之甚祗退秦搗圓肅大圜等雖羈旅異
國而終享榮名非素有磁基懷文抱質亦何能至於此也
方武陵擁衆東下任搗以蕭河之事君臣之道既篤家國
之情亦隆金石不足比其心河水不足明其誓及魏安之
至其下台一智方俱竭委金湯而不守舉庸蜀而來王

刑字刑

北史列傳十七

二十四

北史

若乃見機而作誠有之矣守節沒齒則未可焉

列傳第十七

北史二十九

方洽周益 周 之冕 孫 粹然 校正

